

開縣志

列女 貞女 烈女 烈婦 節婦

余曠觀古今名媛未嘗不喟然嘆也博學如宣文君武勇如錦繖夫人警敏如文姬道韞莫不彪炳史冊照耀寰區求其四德無虧者或戛戛乎其難之蓋地道無成鮮所表著惟不幸慘變非常生死務全其節則直道在人固有不忍聽其終湮者至於咏絮辨琴豈足爲彤管重哉作列女志第二十

六

開縣志

卷廿六

列女

中國農林銀行經濟學部
經濟研究所藏

列女

貞女

附烈女三條

明

汪氏汪安宅女以父母老不忍適人安意孝養獨處一室極貞靜愛二弟果尤甚篤卒年八十五

國朝

李氏李光天女幼未字九歲父母相繼卒嘉慶初兄嫂染疫偕亡遺一姪孤弱無依族人利其產礙於女遣媒議嫁女知其謀乃奮然曰親沒兄喪呱

開縣志

卷廿六

列女

二

呱者乃任其侵陵而無所怙乎於是矢志不嫁率姪等逃避艱苦萬狀卒能撫之成立年八十卒

余氏貢生余思學孫女幼字謝氏子大貴女年甫十二大貴天亡有人來議婚者輒涕泣謂父母曰兒已許謝今不幸早故命也倘何他適父母嘉其志聽之女嘗從胞叔廩生天香學朝夕讀書足不出戶者三十八年至道光二年壽五十而卒

錢氏東里錢光遠女幼字同里楊氏子鴻儀未嫁而鴻儀沒女聞即素服往哭留事舅姑十餘載舅

姑相繼卒氏喪葬如禮母弟以其家貧無依迎歸
瞻養之見年五十六歲猶日夕望夫爲生子以繼
夫祧云

朱氏江里朱正漢女幼字段氏子未婚而段故氏
年纔十九誓不適人道光二十九年以處女終年
八十有二

譚氏浦里譚時忠女幼字某未嫁而夫亡卽矢志
誓不適人父母卒氏紡績自給白首完貞年八十
卒

開縣志

卷廿六

列女

三

張氏張紹蓮女幼字黃氏子天柱天柱年十四外
賢久不歸父母謀另字之女泣曰柱獨子也今外
出翁姑其誰與養兒願隨父母終身藉娛翁姑餘
年後翁姑相繼亡女過門承服殯葬盡禮歷年春
秋祭掃無懈嘉慶十七年詳請

旌表

李氏幼字柯延術八歲歸於柯爲童養婦十三歲
未婚而延術故女守志不屈孝事翁姑現年五十
一歲

吳氏吳掌衡之女也其兄拔春早歿僅遺一子女
顧嫂泣曰父母春秋高嫂難獨持門戶吾志決矣
願與嫂同撫孤嘗事父母嫂聞而義之蹇修屢至
屢拒之凡父母飲食必手瀹以供姪偶有疾日夜
治湯藥不懈見年四十有九父母相繼歿猶日誦
孝經以展哀思於不盡云

廖氏廖紹祥之女閨名先桃幼因目疾卽矢志不
字在家奉養父母見年五十有二

黎六姑儒童王珩聘妻也珩病卒六姑常午夜悲

開縣志

卷廿六

列女

四

啼家人以爲痛父母之亡意不在珩也亡何有富
家子求婚其兄已許之媒妁尙歡笑堂中六姑入
臥室將衣密縫自縊而死

以下列女

黎氏浦里人始字楊氏子未嫁而夫死女乃自製
輓詞素服往哭而歸有富家子來議婚父母已許
之定聘之日姑姊勸著新衣女不應及外庭客散
而女已自縊於房矣

向姑邑民向思茂女嘉慶三年教匪擾境姑年十
四偕母徐氏竄伏山中是夜賊搜山者持火炬漸

近姑泣謂母曰事急矣緩恐受辱母速奔願勿以
兒爲念言畢遂赴水死

開縣志

卷廿六 列女

五

列女二

烈婦

明

陳氏甘全之妻年十七夫歿卽長齋誓不他適家
最貧舅姑欲奪其志氏不得已應之假以歸寧渡
官潭投水死及得屍佛珠猶在項下合掌跣趺端
然而逝遠近莫不欷歔

國朝

譚氏東里文章吳世甸妻夫出就外傳有盜三人

開縣志

卷廿六

列女

六

夜入婦室劫篋舉見婦笑強污之弗從抵死拒賊
刃之家人集賊奪門逸婦告姑曰幸不被辱創多
且重旋絕此道光十四年事也時江蘇巡撫傅繩
勳爲夔守以詩弔之一時聞其事而歌詠之者不
下百數十人

周氏東里民唐某之妻年二十六生子女各一唐
某家貧將嫁之氏懇留以撫子女唐不聽逼嫁愈
力氏持刀自刎以芒鈍得不死乃夜負一女投江
而卒道光十八年事也有題墓門者曰此日碑豎

青山英風宛在當年魂沉白水皎志猶存

段氏朱天振之妻年二十二歲夫故遺命改適氏
哭泣不從送葬歸即自縊死

徐氏張世寶妻夫卒氏年十九朝夕哭泣於墓越
五月母族議婚氏偵知即投環死

陳氏邑民許國學之妻嘉慶二年賊破九龍山氏
年十九被賊圍愁受辱汚墜崖死以下皆嘉慶初殉難婦女

姜氏邑廩生王第高妻嘉慶二年氏年二十有七
遇賊不屈因姑目瞽不能行遂攜幼子與姑同赴

旌表
水死三日尸浮水面仍聚一處面如生六年詳請

楊氏廩生彭紹武妻嘉慶二年遇賊不屈死

吳氏歲貢生扈明賢之妻生子道文道亨文年十

九入泮早歿媳鄧氏立志守節嘉慶二年賊匪至

境吳氏時年八十餘謂媳鄧氏及孫媳蕭氏各逃

鄧氏曰死耳不可為不義屈皆曰諾遂同赴井死

譚氏邑民王化禮妻嘉慶二年賊入境擄夫及姑

去氏以為必殺之也謂子家貴曰夫死姑亡余生

何爲但宗祀不可絕汝速攜兩弟逃家貴去氏遂自縊死未幾家貴亦死無子其妻周氏亦立志守節撫姪爲嗣

蕭氏江里民吳高桂妻高桂早逝嘉慶二年王徐之亂人曰賊將至奈何氏曰死耳夫何言及賊至果投水死

甯氏幼字譚姓爲童養婦嘉慶三年歸省母與兄均避難方城寨惟嫂王氏在室氏與嫂計往投之途遇賊欲污之氏顧嫂曰與其生而受污不若死

開縣志

卷廿六

列女

八

之爲潔也遂相抱投池而死

趙氏邑民朱天俸妻嘉慶二年十二月遇賊於橫山子氏罵賊死二女長十六次十三以救母遇害次年正月收其屍面色如生衣履完全二女枕於屍傍

羅氏邑庠羅子鬢之妹遇賊投水死

嚴氏邑民羅夢開之妻年二十四守節嘉慶二年被賊匪掠去自投火中死

秦氏邑貢生熊奎光妻嘉慶二年遇賊不屈死

張氏邑庠生王定安妻嘉慶二年遇賊不屈死
周氏邑庠熊文師妻嘉慶六年遇賊不屈至死大
罵不絕口身受十三傷口左右割至耳見者莫不
傷之

蕭氏任嘉璠妻遇賊觸石而死

張氏蕭家經妻遇賊不屈死

蕭氏扈以贊妻貢生蕭國楷之女嘉慶三年遇賊
不屈死

萬氏余士黜妻夫故守節撫孤嘉慶三年六月初

開縣志

卷廿六

列女

九

六日遇賊不屈死

張氏熊大有妻嘉慶三年九月同女遇賊均不屈
被殺

黃氏周大功妻賊破雪泡山氏被擄獲以刀脅從
罵不絕口割去其舌身被數十創而死

姚氏傅登明之妻年二十四遇賊不屈賊以刀割
其口已不能言猶以手作指罵狀賊怒殺之

馮氏彭均妻馮友蘇女年二十均卒守節撫子成
立後子出外不歸子然無依乃歸母家時父友蘇

鰥居二十餘載氏奉侍如一日嘉慶三年被賊圍與胞弟吉仁族弟有恒同日死難氏年六十八歲曾氏楊昌琦妻文生大緯妹也二十四歲居孀無嗣撫一女嘉慶二年與女俱死賊難

王氏廩生王啟良之女劉貴傳之妻嘉慶三年遇賊殺夫及子氏奪賊刀刺賊賊轉刃其腹腸出倒地賊以爲斃去之氏復甦曰夫亡子死何生爲遂自溺焉

陳林氏 扈鄧氏 龔楊氏 羅巖氏 王張氏

開縣志 卷廿六 列女

十

曾程氏 熊秦氏 廖張氏 楊曾氏 吳周氏

侯徐氏 余楊氏 董王氏 汪帥氏 李田氏

李陳氏 桂張氏 陳王氏 陳徐氏 蔣陳氏

桂王氏 李王氏 潘王氏 熊王氏 潘傅氏

王姜氏 陳鄭氏 陳周氏 扈蕭氏 黃羅氏

傅張氏 姜陳氏 吳李氏 鄭董氏 張譚氏

陳范氏 易蔣氏 桂譚氏 桂冉氏 桂劉氏

吳蕭氏 侯楊氏 張唐氏 譚何氏 張黃氏

張楊氏 陳李氏 楊李氏 張余氏 邱庫氏

周黃氏 張余氏 桂明氏 李楊氏 李余氏
陳雷氏 陳郭氏 馮姑 余桂姑 周大姑
李昭姑 唐桂香姑 杜氏 陳任氏 陳王氏
以上於嘉慶二三等年教匪肆逆被擄不從爲
賊戕害俱從祀節孝祠

補遺

郭氏邑監生陳元仁妻嘉慶初教匪入境氏時年
三十二歲長女十四歲小女四歲俱掠至營中賊
欲犯長女氏大罵不止賊盡殺之後元仁收其尸

開縣志

卷廿六 列女

十一

母女尙牽抱如生

陳氏邑文生陳元仕之女嘉慶初教匪犯境氏時
年九歲與母雷氏俱被賊掠中途賊刃傷其母棄
之以女去至夜女乘賊睡熟潛逃得其母已死女
哭泣於旁母復甦人以爲孝感云後母至道光五
年卒女嫁武生萬姓至道光十七年卒

列女

節婦

明

汪氏庠生熊飛妻生二子飛卒氏年二十有七撫孤守節邑人賢之

陳氏適里民周倫倫卒氏年二十四歲子禮甫三

歲氏撫養教讀後貢入成均任瑞昌府學訓導因

母老遂乞養歸氏年八十有七而終

姚氏臨江下里人游治妻治卒氏年二十撫子文

開縣志 卷廿六 列女

十三

選及長補弟子員應崇禎三年貢天啟二年通庠舉其節按院批云教子克追孟母守節無愧共爰歲給粟帛年八十卒

鄭氏漢高西里人向藩妻夫卒氏年十九歲一子

中魁甫二歲氏持身以正治家惟勤教子業儒年

八十乃卒人敬慕之通庠舉其節兩臺批曰青年

守節白首令終可會良人於地下矣

何氏秦昂妻夫卒氏年二十七矢志守節子翰甫

二歲族人不利於孤逼之嫁氏誓死無二撫子弱

冠人庠氏將終戒其子曰我教汝艱辛汝當勉進
聞者感惜以上見前志

國朝

姜氏王命宰妻年二十七夫亡守節四十四載乾
隆十四年詳請

旌表

杜氏潘得位妻年二十六夫亡守節六十四載乾
隆五十一年詳請

旌表

開縣志

卷廿六

列女

十三

任氏武生陳浩然妻年二十四夫故姑目失明遺
孤尚在襁褓嘉慶初年教匪犯境氏扶老攜幼冒
險求全節孝並著嘉慶年間詳請

旌表

以上見通志

王氏徐尚連妻氏年二十三夫故遺孤長齡甫生
七月家極貧舅姑垂老無伯叔兄弟氏矢志堅守
見年六十餘歲嘉慶二十四年詳請

旌表

溫氏鄭學文妻學文病故氏年二十四有子方乳

氏毀棄膏沐矢志堅節事親育孤親操井臼里鄰稱賢見年七十六歲嘉慶二十四年請

旌

雷氏盛德成妻德成病卒氏年二十七生一子光

代甫六歲撫孤守節三十七年現年六十五歲

張氏譚文德妻氏年二十七歲夫歿撫二子矢志

守節現年六十三歲

杜氏徐文榜妻夫卒氏年二十四家貧子幼竭力

措持守節三十六載現年六十歲

開縣志

卷廿六 列女

十四

洪氏張尚文妻氏年二十四夫卒撫一子並撫其

姪皆成立族鄰義之壽六十七終

王氏廩生棟可妻歲貢王仁昌女可泰病卒氏

年二十七子心敏甫三歲矢志撫孤教養兼至心

敏入邑庠孫四人壽至七十五歲乃卒

蕭氏拔貢宋學洙妻學洙病卒氏年二十六繼胞

姪爲嗣教養完配守節三十年五十五歲卒

李氏張宗禮妻氏年十九夫卒繼胞姪鼎岱爲子

時方彌月躬親撫養至於成立守節三十七年現

年五十六歲

陳氏李芝學妻于歸生一子作輝甫三歲而夫卒時氏年二十七矢志守節教子以義現年六十二歲

蕭氏趙某之妻夫故氏年二十二歲家貧如洗撫其二子開元開榜成立備極艱辛守節六十年壽八十有二卒

蔡氏邑民汪祖年妻祖年病故遺子三人皆幼氏時年二十七歲矢志撫孤俾各成立守節五十年

開縣志

卷廿六

列女

十五

壽七十七歲乃卒

謝氏李同迪妻年十九于歸生子忠梅甫週歲而同迪外貿杳無音耗氏奉翁姑克盡婦道迨後翁姑沒復竭力經營殯殮盡禮因攜子同依母家紡績度日 至老不倦現年六十五歲

李氏劉必福妻必福故氏年二十七堅志守節撫子啟興成立現年五十歲

傅氏從九李芝典妻芝典病卒氏年二十七撫子榮桂成立守節四十八年壽七十五歲卒

謝氏李芝謨妻芝謨病卒氏年二十七撫子榮極
成立守節五十六年現年八十四歲

張氏鄧國治妻國治病卒氏年二十四遺孤朝珠
朝珍甘貧勵節撫子成立至七十四而終

胡氏邑民吳天文妻天文病卒氏年二十七撫子
文耀文發成立守節三十餘載現年六十餘歲

謝氏吳天德妻天德病故氏年二十四撫子文清
成立守節二十二年現年四十六歲

侯氏吳天福妻天福病故氏年二十二撫子文達

開縣志 卷廿六 列女

末

成立守節二十餘年現年四十四歲先是氏夫兄
天文友愛諸弟速後相繼歿妯娌合志守貞一門
三節人以爲至性所感云

周氏熊正秀妻正秀病故氏年二十七遺子三人
俱幼穉翁姑早逝家計寒落氏苦志守貞努力女
紅守節三十二載現年六十歲

杜氏謝涵妻涵病卒氏年二十四無子繼嗣朝聘
翁姑憐氏青年給銀五十兩俾母子各自爲計氏
堅貞自矢誓不他適翁姑相繼沒喪葬盡禮撫子

成立得見孫曾年八十餘歲康強無恙

溫氏朱颺華妻颺華故氏年二十三家計蕭條翁令他適氏誓不改嫁針黹度日撫遺腹子堯典成立壽七十七歲卒

王氏朱堯典妻卽溫氏之媳也年二十七堯典病沒僅遺子廷瑛甫六歲家益貧氏上體姑志矢貞操仰事俯畜惟資紡績及姑卒家無以殮典賣無存日夜號泣莫知所措親鄰感嘆相飲助始得殯葬現年五十六歲日事女紅子亦成立家漸起人

開縣志

卷廿六

列女

七

以爲兩世節孝所致云

田氏儒童李如緯妻其墓現在東嶽廟下豐碑屹立上鐫節勵冰霜四字邑令所贈事實不詳無年月

羅氏監生朱恢組妻恢組病故氏年二十僅遺一子承官誓不再醮事務姑必敬必誠撫孤兒教養並至苦節二十四年四十有四而沒

吳氏朱恢綬妻恢綬病故氏年二十四生二子承官承定家窘迫姑令他適攜遺孤去氏云姑年古

稀奉事何人兢兢幼子就食於人耻何如之於是
撒環毀面滄洲滂沱姑爲感慟後姑沒幾以身殉
親族苦勸解始進飲食守節四十年現年六十四
歲

毆陽氏邢貴妻貴卒無嗣撫子成宗氏年二十七
苦志守貞家貧惟以紡績活口迄今子孫克勤儉
家亦漸豐現年六十歲

劉氏彭詩古妻詩古病卒氏年二十七事孀姑姚
氏撫五歲兒居笑苦節以貞卒能成立爲邑吏多

開縣志

卷廿六

列女

十八

隱德其孫士超補博士弟子員氏猶及見之守節
三十年壽五十七卒

彭氏王德五妻性簡重寡言笑兒時諸姊咸敬憚
之笄而字王王寡人習刀筆爲邑小吏有姑年七
十餘翳兩目不賭物氏先事承奉無不慚姑意者
溲遺必執穢器以進姑又病氣上下如蠶轉轉氏
爲按摩輒竟夕必姑熟寢然後事操作佐翌日餐
迨家小裕憫氏勞擬倩女僕代之氏不可曰姑老
矣兒小心如是恐不當意忍假手乎已而所天亦

亡氏年二十七綱紀家政訓二子長次琳以孝友聞諸孫八人無一驕蹇者壽六十餘無疾而逝人以爲節孝所感云

譚氏廩生宋學泗妻拔貢譚朝陞女學泗病故氏年二十二矢志撫子成立道光四年詳請

旌表

王氏蕭仲舉妻乾隆中仲舉卒氏年二十六遺子大魁繼天撫孫應龍援例入太學守節六十五年現年九十一歲眼見五世

程氏史叙爵妻叙爵病故氏年二十五撫子存德事姑以孝聞及存德病故撫孫天壽守節四十五載現年七十眼見四世

董氏卽史成德妻程氏媳也成德病故氏年二十七守志撫孤事霜姑勤謹守節二十五年現年五十五歲人稱一門雙節

史氏監生金永壽妻其姊先配永壽生子世泰在襁褓而姊卒氏歸永壽未幾永壽卒氏年二十七數年世泰亦故遺孫四人氏針黹度日俾諸孫完

聚室家守節四十餘載現年七十餘

杜氏庠生王崇佑妻嘉慶三年崇佑死賊難氏年

二十七撫子禮明守節五十載年八十歲

徐氏張大成妻大成卒氏年二十四守節七十餘

年現年九十五歲

黃氏程正海妻正海卒氏年二十四守節六十年

現年八十四歲

谷氏張盛世妻邑庠谷文斗姊也盛世卒氏年二

十七撫子先發守節五十三年現年八十歲

開縣志

卷廿六

列女

二十

廖氏胡定源妻定源病卒氏年二十六撫子事姑

守節二十八載現年五十四歲

劉氏黃思學妻思學卒年二十六遺子成珍甫五

歲家計蕭條紡績度日有勸他適者輒切齒罵之

守節五十三年現年七十九歲

熊氏張廷魁妻年十六歸廷魁甫一歲而廷魁卒

遺腹生子本應不數年本應亦亡氏不改節繼姪

孫以續禮祀未幾憂憤成疾而卒

黃氏陳本順妻本順卒氏年二十七撫子天一成

立守節四十三年現年七十歲

葉氏熊本妻本卒氏年二十四遺腹生文鰲族人
利其產欲令他適誓死不從守節五十年壽七十
四歲而卒

羅氏盛世儒妻世儒卒氏年二十七遺一子德祥
矢志撫孤成立未幾德祥故孫光萃亦亡媳王氏
孫媳譚氏復矢志守節一門三節現年八十四歲
周氏監生熊杼妻杼卒氏年二十六遺一子文盛
矢志撫孤守節二十四年現年五十歲

開縣志 卷廿六 列女

三

姜氏李國典妻國典卒氏年二十四遺子愈正矢
志撫孤守節三十二年現年五十六歲

朱氏陳月桂妻月桂卒氏年二十七遺子光恒撫
之成立守節二十七年現年五十六歲

徐氏鄒永江妻永江卒氏年二十七遺子光恒撫
之成立守節五十五年現年六十三歲

李氏陳正鈞妻正鈞卒氏年二十七遺子大文撫
之成立守節四十四年現年七十一歲

陳氏張傳化妻傳化卒氏年二十七撫子成立守

節五十二載現年八十歲

傅氏彭子周妻周卒氏年二十七撫子成立守節六十四年壽九十而卒

楊氏譚正英妻年十八歸正英甫二年而夫卒氏撫遺腹子光聘立志守節見年八十歲

王氏庠生吳日且妻日且卒氏年二十二撫子高富成立入邑庠沒又撫孫朝陞入成均朝陽入武庠維昭郡廩生守節六十年壽八十二歲卒

周氏蕭國彥妻國彥卒氏年二十五事翁姑以孝

開縣志

卷廿六

列女

十一

教子極嚴長子蘭入邑庠次子芬入武庠遵例加捐衛千總守節五十一年壽七十六而卒

堯氏李宏儒妻宏儒卒氏年二十二矢志守節五十年現年七十三歲

羅氏張國福妻國福卒氏年二十二矢志撫孤守節三十年現年五十二歲

熊氏蕭逢時妻逢時卒氏年二十一矢志撫孤守節五十九年壽八十歲而卒

周氏傅善德妻善德卒氏年二十撫子成立教養

兼至守節五十年壽七十而卒

蕭氏廩生熊維昭妻邑庠蕭國銓女維昭卒氏年二十七撫子成立守節三十年現年五十餘歲

鄧氏任嘉緒妻嘉緒卒氏年二十三善事翁姑撫子成立守節十八年現年四十一歲

鄭氏武庠堯其泰妻其泰卒氏年二十二撫子成立守節四十七年現年七十歲

譚氏傅國才妻國才卒氏年二十七矢志撫孤守節十八年壽四十六而沒

開縣志

卷廿六

列女

廿三

堯氏熊本爵妻本爵卒氏年二十四矢志撫孤守節二十一年現年四十五歲

熊氏吳日昱妻日昱卒氏年二十一撫子二成立又撫孤姪守節四十七年壽六十八歲而卒

王氏張正榮妻正榮卒氏年二十七守節撫孤歷四十三年現年七十一歲

熊氏潘作武妻貢生熊國興女作武卒氏年二十七撫子大舉等二人成立事翁姑克盡孝道守節五十七年現年八十四歲

左氏朱學相妻學相卒氏年十九撫遺腹子祖修
孝事翁姑人無閒言守節四十五年現年六十四
歲

譚氏李光瑞妻光瑞卒氏年二十二無子撫姪爲
嗣孝事翁姑嗣子亦孝家有小猶失母犬爲乳人
以爲孝感云守節二十七年現年四十九歲

趙氏李子橫妻子橫卒氏年二十二一子僅半歲
撫育成立事姑極孝持家儉樸孀居二十八年現
年五十歲

開縣志 卷廿六 列女

陳氏桂質涵妻質涵卒氏年二十歲撫一子成立
其後子媳繼亡更撫二孫守節三十三年現年五
十三歲

陳氏桂質萃妻質萃卒氏年二十七撫二子成立
守節二十八年現年五十五歲人稱一門雙節
何氏魏萃妻萃卒氏年二十五歲撫一子成立事
姑孝謹守節十八年現年四十三歲

曾氏趙開迪妻開迪卒氏年二十五撫子成立事
姑盡禮守節五十一年現今七十六歲

朱氏邱仁陞妻仁陞卒氏年二十五歲家貧子幼
氏教之成立守節三十四年現今五十九歲

成氏陳天貴繼妻天貴卒氏年二十七撫前妻子
學道如已出守節三十三年現今六十歲

徐氏監生張存義妻存義卒氏年二十七孀姑八
十餘老病常在床褥氏左右就養身親其勞人或
代之輒曰爾未習慣恐貽姑以不安嚴督二子後
皆入庠守節三十三年壽六十而終

楊氏張國富妻國富卒氏年二十六歲撫二子成

開縣志 卷廿六 列女

廿五

立杜門不出卽至親罕見其面守節三十四年現
今六十歲

譚氏徐文彩妻文彩卒氏年二十五歲撫子成立
守節三十二年現年五十七歲

唐氏徐德妻德仁氏年二十七撫一子成立後遭
亂子媳俱病疫亡復撫三孫守節六十年現今八
十七康健無恙

謝氏張維貴妻維貴卒氏年二十七撫二子家極
貧復遭賊難卒得保全今俱成立守節三十三年

現年六十一歲

趙氏瞿國重妻國重卒氏年二十七撫二子及弟姪家政肅然守節三十三年現年六十一歲

唐氏金清妻清卒氏年二十七守節四十四年現年七十二歲

謝氏李朝任妻朝任卒氏年二十四守節三十年現年五十四歲

田氏監生唐國鳳妻國鳳卒氏年二十五守節五十年現年七十餘歲

開縣志

卷廿六 列女

共六

李氏何廣達妻廣達卒氏年二十六撫子洪倫等三人成立守節二十四年現年五十歲

蕭氏朱永彥妻年二十七永彥卒子幼時嘉慶初賊匪四起氏全諸孤於兵燹之中教以義方其三

子名升三獲登賢書孀居三十七年現年六十六歲威遠進士羅珍爲之傳有斃斃子立將枯釜底之魚彌彌羣雛尙素牀頭之乳宛轉兵戈之際一曲啼烏周旋燥濕之間三年恤緯卒能使斗室無驚諸孤克立居苦縣以能甘栖危巢而不覆氣懾

赤眉儂志有如赤日撫成黃口此心可對黃泉等語

周氏朱永道妻性嫻淑事姑能老年二十一夫沒無子父母憫其年少早寡勸之再醮已許胡氏子矣氏聞之痛哭流涕誓不易志未幾胡擇期迎婦氏諒不免乃引刀自刎急救之幸創未深得不死自是胡不敢娶父母亦不敢強孀居數年因病身故

俞氏倪善長妻年十八早寡有子傳祚嘉慶初教

開縣志

卷廿六

列女

七

匪起倪氏族人有入教者氏知之嚴戒其子不許通併令從賊者改教及白蓮事起團勇以其賊黨將並其族盡殲旃氏出告於眾求免不從賊者倪家多全活焉後傳祚死遺腹生孫氏又撫之壽七十八而終守節六十年

范氏張先緒之母夫亡氏年二十六先緒甫歲餘撫養成立援例捐職守節三十七年現今六十三歲

周氏莫紹師妻性溫默紹師卒氏年二十七撫孤

成立守節六十三年現年九十身猶康健

梁氏邑監生曾加瑞妻加瑞卒氏年二十七撫子

慶銘守節四十三年道光二年壽至七十歲卒其

媳梁氏即慶銘妻慶銘卒氏年十八遺孤俊喜氏

守節撫之現年五十一歲里中稱姑媳雙節

劉氏曾加祿妻加祿卒氏年二十教子持家井井

有法守節二十六年現年四十六歲

周氏傅善德妻年十九夫亡守節六十一載壽至

八十歲卒

開縣志 卷廿六 列女

雷氏羅夢啟妻年二十歸夢啟越一年夢啟故遺

子于宏氏矢志撫之守節五十年壽七十歲卒

譚氏鄧起倫妻起倫病故氏年二十一遺二子應

倬應倬氏苦心茹蘖守之成立里鄰稱其清潔現

今七十三歲

譚氏黃國禹妻國禹病故氏年二十一遺二女無

子繼姪文興為嗣矢志清操見年七十歲

吳氏熊本仁妻本仁卒氏年二十六歲遺一女繼

姪自瑞為嗣矢志清白現年五十八歲

趙氏譚颺智妻智病故氏年二十六歲房族無可
議繼氏矢志不嫁清白共稱見年四十八歲
牟氏徐大葆妻性柔順寡言笑年十六歸大葆徐
爲縣士族氏亦讀書知大義曲盡孝養以賢稱與
偕三載大葆病故氏誓以身殉姑王氏嚴爲防守
得不死遺子行敏甫歲餘氏守節撫之孀姑王氏
性剛氏委婉將順無詬諍聲居不踰閭非內親子
姪罕見其面里鄙式壺儀焉清操四十九年壽六
十有八終

開縣志 卷廿六 列女

廿九

張氏趙仁術妻生員張鵬翼女幼字仁術年十四
時以賊亂故歸於趙爲童養婦又五年結褵事翁
姑孝養竭力家中推賢婦仁術卒氏年二十六歲
遺子恪甫三齡氏守節鍼黹度日教子誦讀入成
均厥後家漸起得見孫曾年六十餘歲

張氏朱永超妻超故氏年二十六撫孤成立孫曾
滿堂年六十一歲卒

倪氏邑庠劉成幹妻成幹卒氏年二十七無子繼
兄子繼瑞爲嗣守節二十年現年四十七歲

田氏熊世虎妻世虎沒氏年二十七撫二子成立
守節四十六年今七十三歲按咸豐元年詳請

旌表

羅氏徐大倫妻大倫沒氏年二十七歲守節撫孤
子光君氏夫自楚徙來家貧無戚晚可依紡織爲
生光君成立能理財源孫培深入太學氏守節二
十五年卒

陳氏鄒興爵妻年二十七歲夫死守節上事翁姑
養葬盡禮下撫幼子教育有方長子隆桂得入邑

開縣志

卷廿八

列女

卅

庠現年六十餘歲

鄧氏周光旦妻年二十二歲夫死遺一子本敦氏
矢志撫孤教養成立得入國學見年七十六歲按
咸豐元年詳請

旌表

吳氏鄒興發妻年二十五歲夫死守節撫子成立
現年五十歲

李氏張穎先妻夫被賊遇害氏年二十六歲僅遺
一子甫四月矢志守節撫育成立見年五十七歲

彭氏曾明道妻夫故氏年二十七歲矢志守節三子一女撫育成立見年五十餘歲

羅氏劉邦柏妻夫故氏年二十七歲遺一子世晏矢志撫孤教育成立見年六十餘歲

蔡氏邑監生廖可禹妻可禹病卒氏年二十六歲僅遺一子紹卿矢志守節撫育成立苦節五十年見年七十六歲

李氏譚正爵妻年二十六歲時有二女一子夫病痿痺昏不知人未幾子死繼姪爲嗣嘉慶二年十

開縣志

卷廿六

列女

三十一

二月避亂九龍山母子被賊擄去賊不敢犯夜靜逃出賊無一知者三年夫死守節撫子成立年逾七十卒

王氏邑庠生吳必述妻年二十七歲夫卒撫子監生廷頤衛千總廷碧武舉廷芝均成立守節五十載年八十二歲卒

方氏邑監生吳必遲妻年二十七歲夫卒撫子監生廷璽廷棟等成立守節四十九載壽七十六歲

卒

李氏吳必然妻年十九歲夫卒無子矢志守節繼
姪廷輔爲嗣撫養成立現年五十八歲

向氏吳世勳妻年二十二歲夫卒無子夫弟世烈
與妻譚氏俱早歿遺一子代聘甫二歲氏撫育成
立事姑牟氏以孝聞現年五十六歲

何氏吳必亨妻年二十四歲夫卒矢志守節撫子
廷瑞廷重廷信成立見年四十七歲

袁氏吳必馨妻年二十四歲夫卒子廷相甫四歲
撫之成立事姑克孝守節三十一年見年五十五

開縣志 卷廿六 列女 歲

廖氏陳明瑜妻年二十歲守節現已娶請

旌表

李氏唐永彬妻夫卒氏年二十七歲僅遺一子文
光甫半歲矢志撫孤守節四十四載壽七十一歲
卒

顏氏李維林妻夫卒氏年二十歲僅一子有典甫
二歲矢志撫孤守節四十九年見存

譚氏周三重妻夫卒家貧遺一子一女俱幼夫弟

三人亦幼氏年二十七歲守節孝事翁姑喪葬盡禮嘉慶二年賊匪擾境氏率舉家逃避保全無恙其後子亡又撫姪爲嗣與夫弟分居母弟能熬迎歸給養年六十六而卒

任氏祝子岐妻子岐卒氏年二十四歲遺子朝清朝陽氏孝事翁姑養子成立守節五十二載壽七十六歲卒

以上全錄石稿據道光十一年邑紳採訪

任氏溫仁阜妻阜歿無嗣氏年十八哀慟異常撫

開縣志

卷廿六 列女

卅三

姪爲嗣有欲嫁之者截髮以誓現年五十餘歲

譚氏馮啟科妻科歿氏年二十五遺子女各一甫數齡家亦不饒氏矢志守節事翁姑以孝聞現年五十餘歲

譚氏雷安天妻年二十二歲夫卒二子朝棟朝寬尙幼氏立志撫子勤紡績未幾二子相繼亡長媳亦死氏復勸次媳譚氏髡髮自守年八十六歲卒梅氏楊世耀妻年二十六歲夫亡撫二子守節與嫂劉氏同居嫂亡復撫嫂子如已出現年八十七

范氏廩生羅子黃之妻嘉慶二年于蠻罵賊遇害
氏年二十七立志守節教其子炳若入泮食廩餼
學使王篤贈節媿松筠額壽七十一卒

章氏臨江市民張孟彰妻彰故氏年二十遺子女
各一均幼家貧無立錐地氏能識字明大義誓志
守節現年五十餘歲

孫氏張承松妻生子元坤松歿氏年十八矢志守
節年七十卒

孫氏張英堦妻生子裔祿甫五日而堦卒氏年十

開縣志

卷廿六

列女

卅四

九守節養姑三十五年卒年八十六

任氏謝開綬妻生子應鍾年十八綬卒矢志守節

敬事翁姑克盡婦道現年五十三歲

羅氏張奇貴妻年十九奇貴亡撫遺腹子廷學立

志守節八十五歲卒

徐氏張大明妻生子二氏年二十有八大明卒撫

子守節五十六歲卒

謝氏張立朝妻生子道凝年二十七夫死守節現

年五十一歲

彭氏胡宗聖妻年二十三歲夫卒無子撫姪緒達
爲嗣孝事翁姑學使黃琮給匾曰栢節松心

廖氏胡定源妻年二十七夫死繼夫兄子宏芳爲
嗣卒年七十七歲

李氏周仕岐妻生子祖德仕岐卒氏年二十一勵
志守節見年六十歲

劉氏黃思學妻生子成珍學卒氏年二十二歲守
節至七十卒

阮氏余獻清妻年二十五清卒撫夫弟子性安性

開縣志

卷廿六

列女

卅五

剛爲嗣堅志守節見年七十二歲

胡氏陳世學妻學卒氏年十八無子守節見年五
十七歲

張氏祁宗海妻道光十一年夫故氏年二十七歲
遺二子長耀春僅六歲次耀雲甫生兩月氏矢志
守節事姑薛氏尤謹是年姑歿氏以夫家無依攜
子與其父同居紡績度日未幾耀雲夭殤或勸其
改適氏泣曰夫兩子僅存其一奈何捨之誓不改
節現年五十二歲

譚氏江里黃某妻幼性敏慧能讀書識字年十八
于歸未踰年夫死黃族欲嫁之氏以死自誓繼子
文興以承夫祀年七十八卒

譚氏江里李某妻夫外出二年不歸夫兄謂其夫
已死欲嫁之女哭泣不從夫旋回生子大位旋卒
氏立志守節見年八十餘

熊氏蕭邦憲妻嘉慶戊午邦憲遇賊被害氏年二
十七歲無子矢志守節動規靜矩人無間言繼夫
兄子天章爲嗣後入武庠年七十餘卒

開縣志

卷廿六 烈女

三六

冉氏何應璜妻生五子俱夭嘉慶四年應璜歿僅
存一女氏矢志守節鄉黨有求婚者氏力拒之年
六十六歲卒

歐陽氏陳大明妻嘉慶四年大明故氏年二十八
歲家貧矢志守節撫子三皆成立一生壺儀無忝
咸豐元年無疾而卒年八十一歲

王氏邑庠生吳正旭妻年二十三歲正旭亡矢志
不嫁撫一子高賦十八歲遊泮旋歿復撫孫三均
食餼於庠年八十二卒

周氏朱天昶妻邑增生朱常五之母夫亡氏年十九常五生甫六月誓志守節道光三十年詳請旌表見年五十四歲

向氏楊楷妻嘉慶六年冬楷病故氏年二十二歲夫族逼令改嫁氏以有遺腹力拒之次年果舉一子名大美立志撫之見年七十餘歲

陳氏彭京祿妻年二十六歲夫亡守節七十八歲卒

孫氏文生孫振先女易昌吉妻年二十五歲夫歿

開縣志 卷廿六 列女

守節績紡度日見年七十五

朱氏邱正照妻年二十七歲夫亡守節六十七歲卒

王氏武舉張中鵠妻中鵠病卒氏年二十七歲遺

一子甚幼氏立志撫之子亡又撫孤孫成立氏性

樂善捐義渡置祭田里鄰尤稱之見年七十餘歲

譚氏張鳴瑤妻瑤歿氏年二十遺二子德芳德苞

尚在襁褓氏矢志守節舍茶茹苦備歷艱辛見年

七十有餘

張氏武舉張中鵠女孺童艾正恬妻正恬病歿氏年二十歲或有勸其改適者氏曰我父我夫何人豈可以一女子而貽兩家羞耶於是剪髮明志誓不他適見年六十歲

左氏朱學舜妻于歸七月夫病亡五月遺腹子祖修始生其兄左科元念母子孤苦迎至家養之凡家政皆代爲經理祖修長爲之教讀婚配氏立志苦守年八十一而終左亦登壽考可稱節義兩全范氏浦里廩生李芳廷之妻龍安府教授范光天

開縣志

卷廿六

列女

三

之女芳廷歿氏青年苦守撫子煥讀書貢入成均年七十三卒

李氏黃有才妻氏年二十七夫歿撫孤守節未幾孤亡復繼胞姪爲嗣見年六十九歲

張氏羅廷進妻年二十八歲夫故守節撫孤爲黼入太學見年七十四歲

姜氏周承泰妻夫歿氏年二十六歲遺一子甫生七月氏守節撫孤年七十二而卒

葉氏周功憲妻年二十九歲夫故遺子三起鳳起

蛟起才氏立志撫之成立生孫十三人曾孫二十四人元孫十人五世同堂氏年九十九歲卒

廖氏廩生李芝廷妻芝廷歿氏青年隨嫂范氏共守撫子熾讀書入庠氏年七十一歲卒

范氏冉元梅妻元梅病故氏年二十五歲立志守節撫一子成立見年六十餘歲

黎氏譚公著妻年十六于歸生一子崇忠越四載夫故氏堅志守節味苦茹荼子死復撫孫皆業儒見年七十有二

開縣志

卷廿六

列女

三元

蕭氏李仕學妻年二十五仕學故撫遺子承宗立志堅守年七十無疾而終

丁氏李志治妻嘉慶七年志治遇賊不屈死氏矢志守節見年九十歲

姚氏王泰河妻夫歿時氏年二十矢志守節侍姑教子白首弗移遠近皆賢之

林氏唐崇禮妻十九歲夫亡氏啼泣自矢翁姑憐其幼願以女醮之氏再三覓死乃止見年六十餘

歲

鄭氏曹開萬妻夫歿氏年二十七歲立志守節自
首弗移

黎氏邑增生彭厚蔭之妻性孤峻非禮弗敢犯嘉
慶戊辰歲夫故氏年二十五歲撫姪傳徵爲嗣日
以待姑教子爲事足不踰閭者五十餘年

田氏邑廩生彭傳模之妻傳模故氏年二十七歲
立志守節事翁姑極孝子家駒娶妻祁氏年二十
四歲家駒亦故祁氏隨姑守節誓不再適田氏年
六十餘卒祁氏年亦近六十青年矢志白首完貞

開縣志 卷廿六 列女

四

一門雙節洵一邑所罕見

李氏大竹縣民楊希聖之妻年二十七歲夫亡遺
二子年幼家貧夫弟某得三十金逼氏改嫁氏奔
訴邑宰嘉其志笞叔叔以是成仇氏懼攜二子逃
於開依其戚尹祖榮家居之零丁孤苦撫二子成
立年七十餘卒子孫至今蕃衍

彭氏曾一萃妻貢生彭厚載之妹自幼聰慧好讀
書性嚴毅不苟年十六于歸生子三嘉慶丙寅歲
夫故氏年二十六矢志守節教子宗德入泮見年

七十三歲

金氏徐行瑞妻夫卒子學珩甫週歲氏年二十三
矢志守節學珩逾弱冠亦歿氏撫三孫尚銑尚鍾
尚鑑俱業儒教養兼至見年六十有一

薛氏柳德潛妻夫死氏年二十五撫子延瑾成立
見年六十有二

柳氏李良松妻夫死氏年二十七撫子作輝成立
見年五十歲

程氏王運光妻運光卒氏年二十三無嗣立志苦

開縣志

卷廿六

烈女

四

守誓不再適見年五十歲

萬氏劉名宗妻宗死氏年十九撫子倫光成立卒
年五十六歲

柳氏萬安吉妻夫死氏年十九撫子正心成立卒
年四十有四

徐氏吳步春妻幼嫻閨訓容止端莊未及笄適步
春越五稔而步春卒春父掌衡痛子早喪晨夕悲
思氏上慰翁姑下撫孤子舍辛茹苦并白親操數
十年如一日翁姑先後歿號泣悲哀喪葬盡禮於

咸豐壬子年公請

旌表氏現年五十有三

吳氏李鳴盛妻鳴盛卒時氏年及笄生子憲魁尚
未週歲族人利其產謠詠頗興氏竭力措持以免
始歿盡哀盡禮族人鑒其誠前隙頓鐺爲助執紼
焉現年四十五

施氏邑庠生劉必壽妻始與嫂氏李分居繼以李
夫亡子殤無依仍令合爨有甘旨必奉嫂食李年
逾七旬氏親侍湯藥未嘗暫離且願以身代未幾

開縣志

卷廿六

列女

四

李亡氏過哀閱四旬亦卒年六十五
文氏李守武妻武病故氏年二十七立志守節姑
陳氏八旬餘痺疾不起氏恪奉二載以終見年五
十三

張氏謝光斗妻斗卒氏年二十三歲遺二子氏矢志撫孤至今年六十餘

宋氏邑廩生沈廷慶妻于歸五載生子以衡嘉慶
十三年廷慶赴省鄉試不歸偵探無音氏矢志撫
孤後以衡成立客夔門娶妻王氏未兩月以衡復

外出不知所終王氏於次年卽素服束裝回開奉
母兩世孀居孤苦異常人多憐之

羅氏鄒榮綬妻氏年二十一歲夫故矢志守節孝
事翁姑無子撫姪爲嗣卒年四十四歲

楊氏朱士諤妾士諤年將五旬乏嗣納氏爲妾氏
年十七生子女各一子甫二齡忽殤士諤悲憤成
疾卒遺一女方週歲遺命嫁之氏指天以誓矢志
守節後其女年已及笄嫁邑民梁龍池未三年而
龍池歿氏與女俱孀居同室貞守苦節三十年現

開縣志

卷廿六 列女

四三

年已五十有七其女守節已逾十載見年三十餘
譚氏捐貢生陳定棟妾年十六歸於陳比入門嫡
婦病故氏撫嫡子有言如已出越二歲定棟亦故
氏年方十九卽矢志貞守仰事俯育孝慈咸周後
有言死氏又爲繼次房孫以延定棟祀計守節已
三十餘年見年六十餘歲

黎氏侯文章妻夫歿氏年二十三歲矢志守節事
姑教子見年八十餘歲

羅氏曾家丕妻曾廷模之母家丕歿氏年二十四

歲矢志守節事翁姑以孝聞未幾廷模死媳陸氏亦以二十七歲伴姑守志迄今氏年八十餘陸氏年六十餘里人稱爲一門雙節云

任氏吳代崇妻夫死氏年十八歲遺腹生一子立志守節白首完貞

羅氏楊大魁妻夫故氏年二十四歲立志守節事翁姑克盡婦道見年六十餘歲

殷氏劉啟槐妻夫故氏年二十一歲遺二子明孝明弟姑老子幼氏矢志守節家貧紡績度日後家

開縣志

卷廿六

列女

四

稍裕子孫亦盛見年七十七歲

丁氏錢瑞芝妻瑞芝病故氏年二十二歲遺一女僅二歲子鴻恩甫生三月氏貞守撫孤迄今已二十餘年瑞芝本籍浙江烏程有老母在氏恨不能歸浙盡孝養每歲浼同鄉者寄銀回家以奉菽水人尤異之

王氏吳必得妻夫死氏年二十四歲矢志守節見年七十餘歲

趙氏萬書高妻夫亡氏年二十有三矢志撫孤見

年五十餘歲

謝氏李學仕妻嘉慶初年學仕死於賊氏年二十
二歲遺子宗清甫周歲氏矢志守節事姑撫子克
盡婦道年九十四無疾而卒

吳氏鄒興拔妻年二十四歲夫故遺子二歲餘立
志守節奉姑教子見年七十有四

許氏譚正朝妻夫故氏年二十六歲立志守節迄
今孫曾繁衍見年八十歲

楊氏廖紹俊妻夫故氏年二十六歲矢志守節上

開縣志

卷廿六

列女

五

事翁姑下撫幼子終身不二卒年七十五

周氏鄒興仁妻年二十三歲夫亡子幼堅心守節
年七十卒

廖氏鄒興舜妻嘉慶二年夫死於賊氏年二十四
歲苦心貞守卒年七十有三

熊氏王相印妻年十九歲夫故越三日始生一子
上事翁姑下撫幼子不二其操年四十二歲卒

李氏王忠珩妻年二十二歲夫故子幼家貧立志
守節終身不踰善持家後稍豐裕卒年八十有二

孫氏王孝友妻年二十四歲夫病故姑老子幼仰事俯畜不改貞操卒年八十有四

任氏王相韜妻夫故無嗣氏立志守節撫姪爲嗣姑有目疾事奉甚虔年五十餘歲

孟氏鄭方遠妻方遠病篤醫藥俱窮氏割股救之延月餘而歿氏年二十有六矢志守節見年七十餘歲

黎氏黃大順妻夫病氏割股進之食數著而瞑氏年二十六歲矢志守節事姑教子白首完貞

開縣志

卷廿六

列女

四六

譚氏邑監生曾世唯妻年二十六夫故守節五十餘載卒年七十八歲

田氏唐禮章妻禮章卒氏年二十七歲有遺腹子智芳氏撫之備歷艱苦家亦漸裕年七十三無疾而卒

段氏曾永昌妻永昌病故氏年二十二歲繼姪爲嗣矢志守節年六十餘卒

陳氏邑武生牟一清之妻編修陳堃之胞姊也年二十五一清卒無子氏立志苦守孝事翁姑撫姪

登場爲嗣卒年五十有五

蔣氏李學倫妻嘉慶三年教匪入境學倫殉難死氏年二十七歲痛不欲生因念姑老子幼乃勉起奉姑撫子至今孫曾繞膝五代同堂見年八十二歲道光年間詳請

旌表

潘氏監生韓緒釐妻生子三長載熙次載和三載第時嘉慶己卯年夫亡氏年二十七歲矢志守節姑病割股以進氏年六十五歲卒

開縣志

卷廿六

列女

四七

向氏彭繼文之繼妻于歸甫三月夫死前妻遺子尚在襁褓氏不忍他適勵志撫孤年七十六歲卒王氏傅增鑑妻夫故氏年二十七歲矢志守節現年七十五歲咸豐三年詳請

旌表

彭氏宗純智妻夫歿氏年二十有三遺一子孝元僅三歲氏立志守節撫子成立得入太學至今曾元繞膝五世同堂見年八十五歲

溫氏雷年錫妻年十九夫故僅遺二女泣稟翁姑

請爲夫繼嗣乃以姪尚志繼之氏年三十而卒

萬氏楊大成妻年二十九歲夫亡家極貧氏立志

守節撫三子成立見年五十六歲

談氏李作綱妻年二十九歲夫故遺子宗德撫之

成立氏卒年六十四歲

陳氏楊開植繼妻開植卒氏年十九歲遺子大廉

甫兩月前妻子大儒大道甫數歲氏矢志撫之皆

成立事孀姑以孝聞見年六十二歲

蕭氏任嘉華之妻夫歿氏年二十三歲遺一子嗣

開縣志 卷廿六 列女

哭

發家極貧氏勤苦撫養成立年六十四歲卒咸豐

三年詳請

旌表

李氏楊開榜妻開榜病故氏年二十二歲矢志守

節撫孤大元婚配成立事翁姑極孝見年七十三

歲

楊氏譚思文妻年二十一歲夫故子繼武甫生三

壁立生活維艱氏上事孀姑李氏下撫孤

兒晝夜操作不辭勞瘁見年五十九歲

陳氏張奇貴妻年二十歲夫故撫五子一女家貧
立志守節卒年七十二歲

楊氏薛如藻妻年二十四歲夫故守節三十六年
見年六十一歲

王氏李綸善妻年二十二歲夫歿時姑年七十遺
一子五歲氏立志守節嘉慶初教匪滋擾氏奉姑
奔竄備極艱苦卒免於難撫子成立年八十八卒
安氏王妻年二十六夫故家極貧氏立志守
節撫三子皆成立見年六十歲

開縣志

卷廿六

列女

完

鍾氏楊培澤妻培澤故氏年二十六歲矢志撫孤
年四十二歲卒

敖氏陳仕漢妻年二十七歲夫故立志守節嘉慶
初教匪擾境氏負姑逃避流離轉徙得免於難撫

三子定杰定川定猷皆成立卒年七十有二

王氏張元明妻夫亡氏二十七歲守節家貧無子
繼姪爲嗣以勤儉起家年八十八歲卒

陳氏蕭天棟妻年十八夫亡無子氏誓志守節繼
姪爲嗣教養兼至子亦孝順見年五十餘歲

蕭氏熊自昭妻年十七自昭染病氏入門親奉湯藥未四十日自昭歿氏守節繼姪爲嗣事翁姑以孝聞見年五十餘歲

陳氏侯祖一妻祖一卒無嗣氏年二十五歲守節舅姑欲奪其志氏不從貞操愈勵見年五十歲張氏沈東序妻東序縣試取第一邑令宋良極器之未院試以癆疾卒氏時年十八歲撫姪守節里黨重其貞操見年五十歲

廖氏陳枝四妻年二十四歲夫故守節撫一子成

開縣志

卷六

列女

五十

立見年六十歲